

中唐詩集

商隱尾

			三八〇九	漢書門
一	二	三	架	函
冊	架	函	號	類

三九	三八〇九	漢書
冊	架	函
架	冊	號

內閣文庫		
番號	漢	3809
冊數	12 ( 12)	
函號	319	142



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





短定何如

細雨雨成詠獻尚書河東公

灑砌聽來響卷簾看已迷江間風斃定雲外日應

西稍稍落蝶粉斑斑融燕泥颭萍初過沼重柳更

綠提此必擬和殘漏寧無晦暝輦半將花漠漠全共

且續新題

且續新題

病中聞河東公樂營置酒口占寄上

聞駐行春旆中途賞物華綠憂武昌柳遂憶洛陽



花猪鶴元無對荀龍不在誇只將滄海月長壓赤

城霞興欲傾燕館歡終到習家風長應側帽獨孤景公

信舉止風流常風路隘豈容車相逢狹路問樓迥

波窺錦窓虛日弄沙鑠門金了鳥展障玉鴉义舞

妙從兼楚歌能莫雜巴必投潘岳果誰操彌衡櫂

彌處士擊鼓能刻燭當時忝傳杯此夕賒可憐漳

為漁陽擦櫂浦臥愁緒獨如麻

擬意

悵望逢張女遲迴送阿侯空看小垂手忍問大刀

頭妙選茱萸帳平居翡翠樓雲屏不取暖月扇未

障羞上掌真何有傾城豈自由楚妃交薦枕漢后

共藏鬪夫向羊車覓男從鳳穴求書成被襖帖唱

殺畔牢愁夜杵鳴江練春刀解石榴象牀穿憶網

犀帖釘窓油仁壽遺明鏡陳倉拂綵毬真防舞如

意佯蓋卧瑩篔濯錦桃花水濺裙杜若洲魚兒懸

寶劍燕子合金甌銀箭摧搖落華筵慘去留幾時

銷薄怒從此抱離憂帆落啼猿峽樽開畫鷁舟急

絃腸對斷剪蠟淚爭流壁馬誰能帶金虫不復收



銀河撲醉眼珠串咽歌喉去夢隨川  
後來風貯石郵蘭叢銜露重榆美點  
星稠解佩無遺跡凌波有舊遊曾來  
十九首私讖詠牽牛

謝往桂林至彤庭竊詠

辰象森羅正鈞陳翊衛寬魚龍排百  
戲劍珮儼千官城禁將開晚宮深欲  
曙難月輪移几席仙路下闌干共賀  
高禔應將陳壽酒歡金星壓芒角銀  
漢展波瀾王母來空濶羲和上屈盤  
鳳皇傳詔旨獬豸冠朝端造化中台  
座威風大將壇甘泉猶望幸

早晚冠呼韓

送從翁東川弘農尚書幕

昔帝廻冲眷維皇惻上仁三靈迷赤  
氣萬彙叫蒼旻刊木万隆禹陞陟始  
創殷夏臺曾圮閉汜水敢逡巡極溺  
休規步防虞要徙薪蒸藜今得請宇  
宙昨還淳纘祖功宜急貽孫計甚勤  
降災雖代有稔惡不無因宮掖方為  
蠱邊隅忽遘屯獻書秦逐客間諜漢  
名臣北伐將誰使南征決此辰中原  
重板蕩玄象失鈞陳詰旦違清道銜  
枚別紫宸茲行殊



厭勝故老遂分新去異封於鞏來寧避處幽永嘉  
幾失墜宣政遽酸辛元子當傳啓皇孫合授詢時  
非三指讓表請再陶鈞舊好盟還在中驅策屢導  
蒼黃傳國壘遠屬車塵鷓鴣如憑怒聚龍性漫  
馴封崇自何等流落乃斯民逗撓官車亂優容敗  
將頻早朝披草莽夜繼達綵綸忘戰追無及長驅  
氣益振婦言終未易廟略况非神日馭難淹蜀星  
旄要定秦人心誠未去天道亦無親錦衣湔雲浪  
黃山掃地春斯文虛夢鳥吾道欲悲麟斷續殊鄉

淚存亡滿席珍魂銷季羔竇衣化子張紳建議康  
何所通班昔濫臻浮生見開泰獨得詠汀蘋

哭虔州楊侍郎虞卿

漢網疎仍漏齊民困未蘇如何大丞相翻作弛刑  
徒中憲方外易左傳云商鞅多左建外易尹京終就拘本矜能  
弭謗先議取非辜巧有凝脂密功無一柱扶深知  
獄吏貴幾迫季冬誅叫帝青天濶辭家白日晡流  
亡誠不弔神理若為誣在昔恩知忝諸生禮秩殊  
入韓非劍客過趙受鉗奴楚水招魂遠印山下宅



孤甘心親垤蟻旋踵戮城狐是冬舒陰隲今如此

天災未可無莫憑牲玉請便望救焦枯

寄太原盧司空三十韻

隋艦臨淮甸唐旗出井陘斷鼇楮四柱卓馬濟三  
靈祖業隆盤古孫謀復大庭從來師傑俊可以煥  
丹青舊族開東岳雄圖奮北溟邪同獬豸觸樂伴  
鳳凰聽酣戰仍揮日降妖亦闔霆將軍功不伐叔  
舅德惟馨雞塞誰生事狼烟不暫停擬填滄海鳥  
敢竟太陽營內草纔傳詔前茅已勒銘那勞出師

表盡入大荒經德水縈長帶陰山繚畫屏只憂非

縈肯未覺有臙腥保佐資冲漠扶持在杳冥乃心

防暗室華髮稱明廷按甲神初靜揮戈思欲醒義

之當妙選小弟義叟早蒙眷以嘉姻孝若近歸寧三十五大名府高科來歸

下膝月色來侵幌詩成有轉櫺羅含黃菊宅柳憚白

蘋汀神物龜酬孔僊才鶴姓丁西山童子藥南極

孝人星自頃徒窺管于今愧挈瓶何由叨末席還

得叩玄扃壯叟虛悲雁終童漫識鼙幕中雖策畫

劍外且伶俜侯侯行忘上鯨鯨臥不瞑身應瘠於



魯淚欲溢為榮禹貢思金鼎堯圖憶土劔公平來  
入相王欲駕云亭

垂柳

垂柳碧髯茸樓昏雨帶容思量成夜夢未久發春  
慵梳洗憑張敞乘騎笑稚恭碧虛隨輔笠紅燭近  
高春怨目明秋水愁眉淡遠峯小欄花盡蝶靜院  
醉醒蛩舊作琴臺鳳今為藥杏龍寶奩拋擲久一  
任景陽鐘

和孫朴常蟾孔雀詠

此去西梁遠今來萬里携西施因網得秦客被花  
迷可在青鸚鵡非關碧野雞約眉憐翠羽刮膜想  
金篦瘴氣籠飛遠蠻花向坐低輕於趙皇后貴極  
楚懸黎都護矜羅幕佳人炫繡袿屏風臨燭釵捍  
撥倚香臍舊思牽雲葉新愁待雪泥愛堪通夢寐  
畫得不端倪地錦排蒼雁簾釘鏤白犀曙霞星斗  
外涼月露盤西妬好休誇舞經寒且少啼紅樓三  
十級穩穩上丹梯

商於



商於朝雨霽歸路有秋光背塢猿收果投巖麝退  
香建瓴真得勢橫戟豈能當割地張儀詐謀身綺  
季長清渠州外月黃葉廟前霜今日看雲意依依  
八帝鄉

酬令狐郎中見寄

望郎臨古郡佳句灑丹青應自丘遲宅仍過柳惲  
汀封來江渺渺信去雨冥冥句曲聞仙訣臨川得  
佛經朝吟措客枕夜讀漱僧瓶不見銜蘆雁空流  
腐草螢土宜悲坎井天怒識雷霆象冉分疆近蛟

涎浸岸腥補羸貪紫桂負氣託青萍萬里懸離  
危於訟閣鈴

碧瓦

碧瓦銜珠樹紅輪結綺寮無雙漢殿鬢第一楚宮  
腰露唾香難畫珠啼冷易銷歌從雍門學酒是蜀  
城燒柳暗將翻荇荷歌正抱橋鈿轅開道入金管  
隔隣調夢到飛魂急書成即席遙河流衝柱一作樹  
轉海沫近槎飄吳市蠚螻甲巴賁翡翠翹他時未  
知意重疊贈嬌嬈



西溪

悵望西溪水潺湲奈爾何不驚春物少只覺夕陽  
多色染妖韶柳光含窈窕蘿人間從到海天上莫  
為河鳳女彈瑤瑟龍孫撼玉珂京華他夜夢好好  
寄雲波

玄微先生

仙翁無定數時入一壺藏夜夜桂露濕村村桃水  
香醉中拋浩却宿處起神光藥裏丹山鳳棊函白  
石郎弄河移砥柱吞日倚扶桑龍竹裁輕策鮫絲

熨下裳樹栽嗤漢帝橋板笑秦皇徑欲隨關令龍  
沙萬里強

武侯廟古栢

蜀相階前栢龍蛇捧闕宮陰成外江畔老向惠陵  
東大樹思馮異甘棠憶召公葉凋湘鷺雨枝拆海  
鵬風玉壘經綸遠金刀歷數終誰將出師表一為  
問昭融

謝先輩防記念拙詩甚多異日偶有此寄

曉用雲添句寒將雪命篇良辰多自感作者豈皆



李集 卷十一 七  
然熟寢初同鶴含嘶欲並蟬題時長不展得處定  
應偏南浦無窮樹西樓不住煙改成人寂寂寄與  
路綿綿星勢寒垂地河聲曉上天夫君自有恨聊  
借此中傳

別薛巖賓

曙爽行將拂晨清坐欲凌別離真不那風物正相  
仍漫水任誰照衰花淺自矜還將兩袖淚同向一  
窻燈桂樹垂真隱芸香是小懲清規無以況且用  
玉壺冰

腸

有懷非惜恨不奈寸腸何即席迴彌久前時斷固  
多執應翻急燒冷欲徹空波隔樹澌澌雨通池點  
點荷倦程山向背望國闕差我故念飛書及新權  
借夢過染筠休伴淚繞雲莫追歌擬問陽臺事年  
深楚語訛

杏花

上國昔相值亭亭如欲言異香今暫賞脉脉豈無  
恩援少風多力墻高月有痕為含無限意逐對不



勝繁仙子玉京路主人金谷園幾時辭碧落誰伴  
過黃昏鏡拂鉛華賦爐藏桂燼温終應催竹葉先  
擬詠桃根莫學啼成血從教夢寄魂吳王採香逕  
失路入烟村

登

皎潔終無倦剪燹亦自求花時隨酒遠兩夜背窓  
休冷暗黃茅驛暄明紫桂樓錦囊名畫掩玉局敗  
棊收何處無佳夢誰人不隱憂影隨簾押轉光信  
簾文流客自勝潘岳儂今定莫愁固應留半焰廻

照下幃羞

獨居有懷

麝重愁風逼羅疎畏月侵怨魂迷恐斷嬌喘細疑  
沉數急芙蓉帶頻抽翡翠簪柔情終不遠遙妬已  
先深浦冷鴛鴦去園空蛺蝶尋蠟花長遞淚箏柱  
鎮移心覓使嵩雲暮迴頭灞岸陰只聞涼葉院露  
井近寒砧

酬別令狐補闕

惜別夏仍半迴途秋已期那修直諫草更賦贈行



詩錦段知無報青萍肯見疑人生有通塞公等繫  
安危警露鶴辭侶吸風蟬抱枝彈冠如不問又到  
掃門時

有感二首

乙卯年有感  
丙辰年詩成

九服歸元化三靈叶睿圖如何本初輩自取屈  
誅有甚當車泣因勞下殿趨何成奏雲物直是滅  
荏蕭證逮符書密辭連性命俱竟緣尊漢相不早  
辨胡雛鬼籙分朝部軍烽照上都敢云堪慟哭未  
免怨洪鑪

丹陛猶敷奏彤庭歛戰爭臨危對盧植

是晚獨召  
故相彭陽

公始悔用龐萌御仗收前殿見徒劇背城蒼黃五

色棒掩過一陽生古有清君側今非乏老成素心

雖未易此舉太無名誰瞑冤目寧吞欲絕聲逃

聞開壽燕不廢用咸英

崇讓宅東亭醉後汚然有作

曲岸風雷罷東亭霽日涼新秋仍酒困幽興暫江  
鄉搖落真何遽文章或未亡一帆彭蠡月數雁塞  
門霜俗態雖多累仙標發近狂聲名佳句在身世



王琴張萬古山空碧無人髮免黃驂騮憂老大鷄  
鵝妬芬芳密竹沉虛籟孤蓮汨晚香如何此幽勝  
淹臥劇清漳

即日

地寬樓已迥人更迥於樓細意輕春物傷醒屬暮  
愁望賒殊易斷恨久欲難收大勢真無利多情豈  
自由空園兼樹廢敗港擁花流書去青楓驛鴻歸  
杜若洲單樓應分定辭疾索誰憂更替林鴉恨鷺  
頻去不休

鏡檻

鏡檻芙蓉入香臺翡翠過撥弦驚火鳳交扇拂天  
鷺隱忍陽城笑喧傳郢市歌仙眉瓊作葉佛髻鈿  
為螺五里無因霧三秋只見河月中供藥剩海上  
得綃多玉集胡沙割犀留聖水磨斜門穿戲蝶小  
閣鎖飛蛾騎襜侵鞦韆卷車帷約憶鉞傳書兩行雁  
取酒一封駝橋迥涼風壓溝橫夕照和待烏燕太  
子駐馬魏東阿想像鋪芳緝依稀解醉羅散時簾  
隔露卧後幕生波梯穩從攀桂弓調任射莎豈能



拋斷夢聽鼓事朝珂

聖女祠

香藹逢仙跡蒼茫滯客途何年歸碧落此路向皇  
都消息期青雀逢迎異紫姑腸迴楚國夢心斷漢  
宮巫從騎裁寒竹行車蔭白榆星娥一去後月姊  
更來無寡鵠迷蒼壑羈皇怨翠梧唯應碧桃下方  
朔是狂夫

魏侯第東北樓堂郢叔言別聊用書所見成  
篇

暗樓連夜閣不擬為黃昏未必斷別淚何曾妨夢  
魂疑穿花逶迤漸近火温磨海底翻無水仙家却  
有村鎖香金屈戌帶酒玉崑崙羽白風交扇冰清  
月印盆舊歡塵自積新歲電猶奔霞綺空留段雲  
峯不帶根念君千里舸江草漏燈痕

靈仙閣晚眺寄鄆州韋評事

愚公方任谷仁者本依山共誓林泉志胡為樽俎  
間華蓮開菡萏荆玉刻孱顏爽氣臨周道嵐光出  
漢關滿壺從蟻泛高閣已苔斑想就安車召寧期



李集  
卷十一  
負天還潘遊全壁散郭去半舟閒定笑幽人迹鴻  
軒不可攀

賦得月照冰池詩

皓月方離海堅冰正滿池金波激雙射壁彩兩參  
差影占徘徊處光含的皜時高低連素色上下接  
清規顧兔飛難定潛魚躍未期鵲驚俱欲遠狐聽  
始無疑似鏡將盈手如霜恐透肌獨憐遊翫意達  
曉不知疲

永樂縣所居一草一木無非自我今春悉已

芳茂因書即事一章

手種悲陳事心期翫物華柳飛彭澤雪桃散武陵  
霞枳嫩棲鸞葉桐香待鳳花綬藤縈弱蔓袍莫展  
新芽學植功雖倍成蹊跡尚賒芳年誰共翫終老  
邵平瓜

南潭上亭讌集以疾後至因而抒情

馬卿聊應召謝傅已登山歌發百花外樂調深竹  
間鷁舟縈遠岸魚鑰啓重關鸞蝶如相引烟蘿不  
暇攀佳人啓玉齒上客頷朱顏肯念沉疴士俱期



李集  
卷十一  
倒載還

搖落

搖落傷年日，羈留念遠心。  
水亭吟斷續，月幌夢飛沉。  
古木含風久，踈螢怯露深。  
人間始遙夜，地迥更清砧。  
結愛曾傷晚，端憂復至今。  
未諳滄海路，何處玉山岑。  
灘激黃牛暮，雲屯白帝陰。  
遙知霑洒意，不減欲分襟。

戲贈張書記

別館君孤枕，空庭我閉關。  
池光不受月，野氣欲沉紅。  
顏古木含風，久平蕪盡日閒。  
心知兩愁絕，不斷若尋環。

念還

日月淹秦甸，江湖動越吟。  
蒼梧應露下，白閣自雲深。  
皎皎非鸞扇，翹翹失鳳簪。  
床空鄂君被，杵冷女嬃砧。  
北思驚沙雁，南情屬海禽。  
關山已搖落，天地共登臨。

賦得桃李無言



天桃花正發穠李藥方繁應候非爭艷成蹊不在  
言靜中霞暗吐香處雪潛翻得意搖風態含情泣  
露痕芬芳光上苑寂默委中園赤白徒自許幽芳  
誰與論

喜雪

朔雪白龍沙呈祥勢可嘉有田皆種玉無樹不開  
花班扇慵裁素曹衣詎比麻鶩歸逸少宅鶴滿令  
威家寂寞門扉掩依稀履跡斜人疑游麪市馬似  
困鹽車洛水妃虛妬姑山客漫誇聯辭追許謝和

曲本慙巴粉署闈全隔霜臺路漸賒此時傾賀酒  
相望在京華

河陽詩

黃龍搖溶天上來玉樓影近中天臺龍頭瀉酒客  
壽盃主人淺笑紅玫瑰梓澤東來七十里長溝複  
塹埋雲子可惜秋眸一鬢光漢陵走馬黃塵起南  
浦老魚腥古涎真珠密字芙蓉篇湘中寄到夢不  
到衰容自去拋涼天憶得蛟絲裁小卓蛺蝶飛迴  
木縣薄綠綉笙囊不見人一口紅霞夜深嚼幽蘭



泣露新香死畫圖淺縹松溪水楚絲微覺竹枝高  
半曲新辭寫縣紙巴西夜市紅守宮後房點臂斑  
斑紅堤南渴雁自飛久蘆花一夜吹西風曉簾串  
斷蜻蜓翼羅屏但有空青色玉灣不釣三千年蓮  
房暗被蛟龍惜濕銀注鏡井口平鸞釵映月寒鐸  
鐸不知桂樹在何處仙人不下雙金莖百尺相風  
插重屋側近媽紅伴柔綠百勞不識對月卽湘竹  
千條為一束

七言律

和韋潘前輩七月十二日夜泊池州城下先

寄上李使君

桂含爽氣三秋首莫吐中旬三葉新正是澄江如  
練處玄暉應喜見詩人

錦瑟

錦瑟無端五十絃一絃一柱思華年莊生曉夢迷  
蝴蝶望帝春心託杜鵑滄海月明珠有淚藍田種  
玉暖生煙此情可待成追憶只是當時已惘然

重過聖女祠



白石巖扉碧蘚滋  
上清淪謫得歸遲  
一春猛雨常飄瓦  
盡日靈風不滿旗  
夢綠華來無定所  
杜蘭香去未移時  
玉郎會此通仙籍  
憶向天階問紫芝

題僧壁

捨生求道有前蹤  
乞腦剜身結願重  
大去便應欺粟顆  
小來兼可隱針鋒  
蚌胎未滿思新桂  
琥珀初成憶舊松  
若信貝多真實語  
三生同聽一樓鐘

潭州

潭州官舍暮樓空  
今古無端入望中  
湘淚淺深滋

竹色楚歌重疊怨  
蘭叢陶公戰艦空  
山雨賈傅承塵破  
廟風目斷故園人  
不至松醪一醉與  
誰同

贈劉司戶 蕢

江風揚浪動雲根  
重碇危檣白日昏  
已斷燕鴻初起勢  
更驚騷客後歸魂  
漢廷急詔誰先入  
楚路高歌自欲翻  
萬里相逢歡復泣  
鳳巢西隔九重門

南朝

玄武湖中玉漏催  
雞鳴埭口繡襦迴  
誰言瓊樹朝朝見  
不及金蓮步步來  
敵國軍營漂水梯  
前朝神



廟鑠烟煤滿宮學士皆顏色江令當年只費衣

送崔珣往西川

年少因何有旅愁欲為東下更西遊一條雪浪吼  
巫峽千里火雲燒益州卜肆至今多寂寞酒壚從  
古擅風流浣花牋紙桃花色好好題詩詠王鈞

飲席戲贈同舍

洞中屐響省分攜不是花迷客自迷珠樹重行憐  
翡翠玉樓雙舞羨鷓鴣雞蘭迴舊藥屏綠綠椒綴新  
香和壁泥唱盡關山無限疊半盃松葉凍頗黎

令狐八拾遺

緇見招送裴十四歸華州

二十中郎未足稀驪駒先自有光輝蘭亭宴罷方  
回去雪夜詩成道韞歸漢苑風烟催客夢雲臺洞  
穴接郊扉嗟予久抱臨邛渴便欲因君問釣磯

寄令狐學士

秘殿崔嵬拂彩霓曹司今在殿東西賡歌太液翻  
黃鵠從獵陳倉獲碧雞曉飲豈知金掌迥夜吟應  
訝玉繩低鈞天雖許人間聽閭闔門多夢自迷

哭劉蕢



上帝深宮閉九閭巫咸不下問銜冤廣陵別後春  
濤隔湓浦書來秋雨翻只有安仁能作誄何曾宋  
玉解招魂平生風義兼師友不敢同君哭寢門

荆門西下

一夕南風一葉危荆雲迴望夏雲時人生豈得輕  
離別天意何嘗忌嶮巖骨肉書題安紀復蕙蘭蹊  
徑失佳期洞庭湖濶蛟龍惡却羨楊朱泣路岐

少年

外戚平羗第一功生平二十有重封直登宣室螭

頭上橫過甘泉豹尾中別館覺來雲雨夢後門歸  
去蕙蘭叢灞陵夜獵隨田實不識寒郊自轉蓬

藥轉

鬱金堂北畫樓東換骨神方上藥通露氣暗連青  
桂苑風聲偏獵紫蘭叢長壽未必輸孫皓香棗何  
勞問石崇憶事懷人兼得句翠衾歸卧綉簾中

杜工部蜀中離席

人生何處不離群世路干戈惜暫分雪嶺未歸天  
外使松州猶駐殿前軍座中醉客延醒客江上晴



雲雜雨雲美酒成都堪送老當壚仍是卓文君

隋宮

紫泉宮殿鎖烟霞欲取蕪城作帝家玉璽不緣歸  
日角錦帆應是到天涯于今腐草無螢火終古垂  
楊有暮雅地下若逢陳後主豈宜重問後庭花

二月二日

二月二日江上行東風日暖聞吹笙花鬢柳眼各  
無賴紫蝶黃蜂俱有情萬里憶歸元亮井三年從  
事亞夫營新灘莫悟遊人意更作風簷雨夜聲

籌筆驛

魚鳥猶疑畏簡書風雲長為護儲胥徒令上將揮  
神筆終見降王走傳車管樂有才真不忝關張無  
命欲何如他年錦里經祠廟梁父吟成恨有餘

即日

一歲林花即日休江間亭下悵淹留重吟細把真  
無奈已落猶開未放愁山色正來銜小苑春陰只  
欲傍高樓金鞍忽散銀壺滴更醉誰家白玉鉤

九成宮



十二層樓閭苑西平時避暑拂虹霓雲隨夏后雙  
龍尾風逐周王八馬蹄吳岳曉光連翠巘甘泉晚  
景上丹梯荔枝盧橘沾恩幸鸞鵲天書濕紫泥

詠史

歷覽前賢國與家成由勤儉破由奢何須琥珀方  
為枕豈得真珠始是車運去不逢青海馬力窮難  
拔蜀山蛇幾人曾預南薰曲終古蒼梧哭翠華

無題二首

昨夜星辰昨夜風畫樓西畔桂堂東身無彩鳳雙

飛翼心有靈犀一點通隔座送鉤春酒暖分曹射  
覆蠟燈紅嗟餘聽鼓因官去走馬蘭臺類轉蓬  
聞道閭門萼綠華昔年相望抵天涯豈知一夜秦  
樓客偷看吳王苑內花

和韋潘前輩七月十二日寄上李使君

桂含爽氣三千首莫吐中旬三葉新正是澄江如  
練處玄暉應喜見詩人

無題四首

來是空言去絕蹤月斜樓上五更鐘夢為遠別啼



難喚書被催成墨未濃蠟照半籠金翡翠麝薰微  
度繡芙蓉劉郎已恨蓬山遠更隔蓬山一萬重  
颯颯東南細雨來芙蓉塘外有輕雷金蟾醬鑊燒  
香入玉虎牽絲汲井迴賈氏窺簾韓掾少宓妃留  
枕魏王才春心莫共花爭發一寸相思一寸灰  
含情春晚院一作晚暫見夜闌干樓響將登怯簾烘  
欲過難多羞釵上鷺真愧鏡中鸞歸去橫塘曉華  
星送寶鞍

何處哀箏隨急管櫻花永巷垂楊岸東家老女嫁

不售白日當天三月半溧陽公主年十四清明暖  
後同墻看歸來展轉到五更梁間燕子聞長嘆

赴職梓潼留別畏之員外同年

佳兆聯翩遇鳳皇雕文羽帳紫金床桂花香處同  
高第柿葉翻時獨悼亡烏鵲失棲長不定鴛鴦何  
事自相將京華庸蜀三千里送到咸陽見夕陽

王十二兄與畏之員外相訪見招小飲時予  
以悼亡日近不去因寄

謝傅門庭舊未行今朝歌管屬檀郎更無一處簾



垂地欲拂塵時簾竟床嵇氏幼男猶可憫左家嬌  
女豈能忘愁霖腹疾俱難遣萬里西風夜正長

曲池

月下繁香不自持月中流艷與誰期迎憂急鼓踈  
鐘斷分隔休燈滅燭時張蓋欲判江灩灩迴頭更  
望柳絲絲從來此地黃昏散未信河梁是別離

留贈畏之

時將赴職梓潼  
遇韓朝迴三首

清時無事奏明光不遣當關報早霜中禁詞臣尋  
引領左川歸客自迴腸即君下筆驚鸚鵡侍女吹

笙弄鳳凰空寄大羅天上事衆仙同日詠霓裳  
待得即來月已低寒暄不道醉如泥五更又欲向  
何處騎馬出門烏夜啼

戶外重陰黯不開含羞迎夜復臨臺瀟湘浪上有  
烟景安得好風吹汝來

無題

相見時難別亦難東風無力百花殘春蠶到死絲  
方盡蠟炬成灰淚始乾曉鏡但愁雲鬢改夜吟應  
覺月光寒蓬山此去無多路青鳥殷勤為探看



碧城三首

碧城十二曲闌干，犀辟塵埃玉辟寒。閨苑有書多  
附鶴，女牆無樹不棲鸞。星沉海底當窓見，雨過河  
源隔座看。若是曉珠明又定，一生長對水精盤。  
對影聞聲已可憐，玉池荷葉正田田。不逢蕭史休  
迴首，莫見洪崖又拍肩。紫鳳放嬌銜楚珮，赤鱗狂  
舞撥湘絃。鄂君悵望舟中夜，繡被焚香獨自眠。  
七夕來時先有期，洞房簾箔至今垂。玉輪顧兔初  
生魄，鐵網珊瑚未有枝。檢與神方教駐景，收將鳳

紙寫相思。武皇內傳分明在，莫道人間總不知。

對雲二首

時欲之東

寒氣先侵玉女扉，清光旋透省郎闈。梅花大庾嶺  
頭發，柳絮章臺街裏飛。欲舞定隨曹植馬，有情應  
濕謝莊衣。龍山萬里無多遠，留待行人二月歸。  
旋撲珠簾過粉牆，輕於柳絮重於霜。已隨江令誇  
瓊樹，又入盧家妬玉堂。侵夜可能侵桂魄，忍寒應  
欲試梅粧。關河凍合東西路，腸斷班騅送陸郎。

蜂



少苑華池爛熳通後門前檻思無窮宓妃腰細纔  
勝露趙后身輕欲倚風紅壁寂寥崖蜜盡碧簾迢  
遞霧巢空青陵粉蝶休離恨長定相逢二月中

辛未七夕

恐是仙家好別離故教迢遞作佳期由來碧落銀  
河畔可要金風玉露時清漏漸移相望久微雲未  
接過來遲豈能無意酬烏鵲唯與蜘蛛乞巧絲

玉山

玉山高與閨風齊玉水清流不貯泥何處更求迴

日馭此中兼有上天梯珠容百斛龍休睡相拂千  
尋鳳要栖聞道神仙有才子赤簫吹罷好相攜

牡丹

錦幃初卷衛夫人

典畧云夫子見南  
子在錦幃之中

繡被猶堆越

鄂君垂手亂翻雕玉珮招腰爭舞鬱金裙石家蠟  
燭何曾剪荀令香爐可待薰我是夢中傳彩筆欲  
書花葉寄朝雲

一片

一片非烟隔九枝蓬巒仙仗儼雲旗天泉水暖龍



吟細露晚春多鳳舞遲榆筴散來星斗轉桂花尋  
去月輪移人間桑海朝朝變莫遣佳期更後期

酬崔八早梅有贈兼示之作

知訪寒梅過野塘又留金勒為迴腸謝郎衣袖初  
翻雪荀令薰爐更換香何處拂胸資蝶粉幾時塗  
額藉蜂黃維摩一室雖多病亦要天花作道場

馬嵬二首

海外徒聞更九州

鄒衍云九州之外復有九州

他生未卜此生

休空聞虎旅鳴宵柝無復鷄人報曉籌此日六軍

同駐馬當時七夕笑牽牛如何四紀為天子不及

盧家有莫愁

冀馬燕犀動地來自埋紅粉自成灰若王若道能  
傾國玉輦何由過馬嵬

可歎

幸會東城宴未迴年華憂共水相催梁家宅裏秦  
宮入趙后樓中赤鳳來水簾且眠金鏤枕瓊筵不  
醉玉交盃宓妃愁坐芝田館用盡陳王八斗才

富平少侯



七國三邊未到憂十三身襲富平侯不收金彈拋  
林外却惜銀床在井頭綵樹轉燈珠錯落繡檀迴  
枕玉雕鏤當關不報侵晨客新得佳人字莫愁

聖女祠

松篁臺殿蕙香幃龍護瑤窓鳳掩扉無質易迷三  
里霧不寒長著五銖衣人間定有崔羅什天上應  
無劉武威寄問釵頭雙白燕每朝珠館幾時歸

臨發崇讓宅紫薇

一樹濃姿獨看來秋庭暮雨類輕埃不先搖落應

為有已欲別離休更開枕綬含情依雲并柳綿相  
憶隔章臺天涯地角同榮謝豈要移根上苑栽

及第東歸次灞上却寄同年

芳桂當年各一枝行期未分壓春期江魚朔雁長  
相憶秦樹高雲自不知下苑經過勞想像東門送  
餞又差池灞陵柳色無離恨莫枉長條贈所思

野菊

苦竹園南椒塢邊微香冉冉淚涓涓已悲節物同  
未爲忍委芳心與暮蟬細路獨來當此夕清罇相



伴省他年紫雲新苑移花處不取霜栽近御筵

過伊僕射舊宅

宋邸方酬力戰功華筵俄嘆逝波窮迴廊簷斷燕  
飛出小閣塵凝人語空幽淚欲乾殘菊露餘香猶  
入敗荷風何能更涉瀧江去獨立寒流弔楚宮

銀河吹笙

悵望銀河吹玉笙樓寒院冷接平明重衾幽夢他  
年斷別樹羈雌昨夜驚月樹故香因雨發風簾殘  
燭隔霜清不須浪作緱山意湘瑟秦簫自有情

與同年李定言曲水閒話戲作

海鷺參差溝水流同君身世屬離憂相携花下非  
秦贅對泣春天類楚囚碧草暗侵穿苑路珠簾不  
捲枕江樓莫經五勝埋香骨地下傷春亦白頭

聞歌

歛笑凝眸意欲歌高雲不動碧差峩銅臺罷望歸  
何處玉輦忘還事幾多青塚路邊南雁盡細腰宮  
裏北人過此聲腸斷非今日香炷燈光奈爾何

贈華陽宋真人兼寄清都劉先生



淪謫千年別帝宸至今猶謝藻珠人但驚茅許同  
仙籍不道劉盧是世親玉檢賜書迷鳳篆金華歸  
駕冷龍鱗不因杖屨逢周史徐甲何曾有此身

楚宮二首

月姊曾逢下彩蟾傾城消息隔重簾已聞珮響知  
腰細更辨絃聲覺指纖暮雨自歸山峭峭秋河不  
動夜厭厭王昌且在墻東住未必金堂得免嫌  
十二峯前落照微高唐宮暗坐迷歸朝雲暮雨長  
相接猶自君王恨見稀

和友人戲贈二首

東望花樓會不同西來雙燕信休通仙人掌冷三  
霄露玉女窓虛五夜風翠袖自隨迴雪轉燭房尋  
類外庭空殷勤莫使清香透牢合金魚鑊桂叢  
迢遞青門有幾關柳梢樓角見南山明珠可貫須  
為珮白璧堪裁且作袁子夜休歌團扇掩新正未  
破剪刀閒猿啼鶴怨綠年事未抵燠爐一夕閒

題二首後重有戲贈任秀才

一丈紅蕖擁翠筠羅窓不識繞街塵峽中尋覓長



逢雨月裏依稀更有人  
虛為錯刀留遠客  
枉緣書札損文鱗  
遙知小閣還斜照  
羨殺烏龍卧錦茵

重有感

玉帳牙旗得上游  
安危須共主君憂  
竇融表已來關右  
陶侃軍宜次石頭  
豈有蛟龍愁失水  
更無鷹隼與高秋  
晝號夜哭兼幽顯  
早晚星關雪涕收

春雨

帳卧新春白袷衣  
白門寥落意多違  
紅樓隔雨相望  
望冷珠箔飄燈  
獨自歸遠路  
應悲春晚晚殘宵  
猶

得夢依稀玉璫絨  
札何由達萬里  
雲羅一雁飛

中元作

絳節飄飄宮

一作空

國來中原朝拜上清  
迴羊權須

得金條脫温嶠終  
虛玉鏡臺曾省  
驚眠聞雨過  
不知迷路為花開  
有娥未抵瀛洲遠  
青雀如何鳩鳥媒

楚宮

湘波如淚色  
濛濛楚禰迷  
魂逐恨遙楓樹  
夜猿愁自斷  
女蘿山鬼語  
相邀空歸腐敗  
猶難復更困腥



臊豈易招但使故鄉三戶在綵絲誰惜懼長蛟

宿晉昌亭聞鶯禽

羈緒鰓鰓夜景侵高窓不掩見鶯禽飛來曲渚烟  
方合過盡南塘樹更深胡馬嘶和榆塞笛楚園吟  
雜橘村砧失羣掛木知何限遠隔天涯共此心

深宮

金殿銷香閑綺籠玉壺傳點咽銷龍狂飈不惜羅  
陰薄清露偏知桂葉濃班竹嶺邊無限淚景陽宮  
裏及時鐘豈知為雲為雨處只有高唐十二峰

鄭州獻從叔舍人襄

蓬島烟霞閭苑鐘三官燧奏附金龍茅君奕世仙  
曹貴許掾全家道氣濃絳簡尚參黃紙案丹爐猶  
用紫泥封不知他日華陽洞許上經樓第幾重

題白石蓮華寄楚公

白石蓮花誰所共六時長揆佛前燈空庭苔蘚饒  
霜露時夢西山老病僧大海龍宮無限地諸天雁  
塔幾多層謾誇鴛子真羅漢不會千車是上乘

安定城樓



迢遞高城百尺樓綠楊枝上盡汀洲賈生年少虛  
垂淚王粲春來更遠遊永憶江湖歸白髮欲迴天  
地入扁舟不知腐鼠成滋味猜意鴛鴦竟未休

隋宮守歲

消息東郊木帝迴宮中行樂有新梅沉香夾煎為  
庭燎玉液瓊蘇作壽杯遙望露盤疑是月遠聞鼙  
鼓欲驚雷昭陽第一傾城客不踏金蓮不肯來

利州江潭作

感平金  
輪所

神劍飛來不是銷碧潭珍重駐蘭橈自攜明月移

燈疾欲就行雲散錦遙河伯軒窓通貝闕水宮帷  
箔卷冰綃他時燕脯無人寄雨滿空城蕙葉彫

茂陵

漢家天馬出蒲梢首著榴花徧近郊內苑只知含  
鳳嘴屬車無復挿雞翹王桃偷得憐方朔金屋修  
成貯阿嬌誰料蘇卿老歸國茂陵松柏雨蕭蕭

淚

永巷長年怨綺羅離情終日思風波湘江竹上痕  
無限峴首碑前灑幾多人去紫臺秋入塞兵殘楚



李集 卷十一 十一  
懷夜聞歌朝來灞水橋邊問未抵青袍送玉珂  
十字水期韋潘侍御同年不至時韋寓居水

次故郭汾寧宅

伊水濺々相背流朱欄盡閣幾人遊  
漆燈夜照真無數蠟炬晨炊竟未休  
顧我有懷同大夢期君不至更沉憂  
西園碧樹今誰主與近高牕卧聽秋

流鶯

流鶯漂蕩復參差渡陌臨流不自持  
巧轉豈能無本意良辰未必有佳期  
風朝露夜陰晴裏萬戶千

門開閉時曾若傷春不思聽鳳城何處有花枝

出關宿盤豆館對叢蘆有感

蘆葉稍稍夏景深郵亭暫欲灑塵襟  
昔年曾是江南客此日初為關外心  
思子臺邊風自急玉娘湖上月應沉  
清聲不遠行人去一世荒城伴夜砧

和韓錄事送宮人不道

星使追還不自由雙童捧上綠瓊輶  
九枝燈下朝金殿三素雲中侍玉樓  
鳳女顛狂成久別月娥嬌獨好同游  
當時若愛韓公子埋骨成灰恨未休



七月二十九日崇讓宅讌作

露如微霰下前池月過廻塘萬竹悲浮世本來多  
聚散紅蕖何事亦離披悠揚歸夢唯燈見濩落生  
涯獨酒知豈到白頭長只爾嵩陽松雪有心期

贈從兄閻之

悵望人間萬事違私書幽夢約忘機荻花村裏魚  
標在石蘚庭中鹿跡微幽徑定攜僧共入寒塘好  
與月相依城中獬犬憎蘭珮莫損幽芳久不歸  
行至金牛驛寄易元渤海尚書

撲上春雲水底天五雲章色破巴牋諸生箇箇王  
恭柳從事人人庾杲蓮六曲屏風江雨急九枝燈  
檠夜珠圓深慚走馬金牛路驟和陳王白玉篇

梓州罷吟寄同舍

不揀花朝與雪朝五年從事霍嫫姚君緣接座交  
珠履我為分行近翠翹楚雨含情皆有託漳濱多  
病竟無膠長吟遠下燕臺去唯有衣香染未銷

無題二首

鳳尾香羅薄幾重碧文圓頂夜深縫扇裁月鬼羞



難掩車走雷聲語未通曾是寂寥金燼暗斷無消  
息石榴紅班騅只繫垂楊岸何處西南待好風  
重幃深下莫愁堂卧後清宵細細長神女生涯元  
是夢小姑居處本無郎古詩有小姑無郎之句風波不信菱  
枝弱月露誰教桂葉香直道相思了無益未妨惆  
悵是清狂

昨日

昨日紫姑神去也今朝青鳥使來賒未容言語還  
分散少得團圓足怨嗟二八月輪蟾影破十三絃  
桂鴈行斜平明鐘後更何事笑倚牆邊梅樹花

汴上送李郢之蘇州

入高詩苦滯夷門萬里梁王有舊園烟幌自應憐  
白紵月樓誰伴詠黃昏露桃塗頰依苔井風柳誇  
腰住水村蘇小小墳今在否紫蘭香逕與招魂

贈鄭讜處士

浪跡江湖白髮新浮雲一片是吾身寒歸山觀隨  
棊局暖入汀洲逐釣輪越桂留烹張翰鱸蜀薑供  
煮陸機萼相逢一笑憐疎放他日扁舟有故人



復至裴明府所居

伊人卜築自幽深  
桂巷杉籬不可尋  
柱上雕虫對  
書字槽中瘦馬仰  
聽琴求之流輩豈易得  
行矣關山方獨吟  
賒取松醪一斗酒  
與君相伴灑煩襟

覽古

莫恃金湯忽太平  
草間霜露古今情  
空糊賴壤真何益  
欲舉黃旗竟不成  
長樂瓦飛隨水逝  
景陽鐘墜失天明  
迴頭一吊箕山客  
始信逃堯不為名

子初郊墅

看山對酒君思我  
聽鼓離城我訪君  
臘雪已添墻下水  
齋鐘不散檻前雲  
陰移竹栢濃還淡  
歌雜漁樵斷更聞  
亦擬村南買烟舍  
子孫相約事耕耘

漢南書事

西師萬衆幾時迴  
哀痛天書近已裁  
文吏何曾重  
刀筆將軍猶自舞  
輪臺幾時拓土成  
王道從古窮兵是禍胎  
陛下好生千萬壽  
玉樓長御白雲杯

當句有對

密邇平陽接上蘭  
秦樓鴛瓦漢宮盤  
池光不定花



光亂日氣初涵露氣乾但覺游蜂饒舞蝶豈知孤  
鳳更離鸞三星自轉三山遠紫府程遙碧落寬

井絡

井絡天彭一掌中漫誇天設劍為峯陣圖東聚燕  
江口邊柝西懸雪嶺松堪嘆故君成杜宇可能先  
主是真龍將來為報姦雄輩莫向金牛訪舊蹤

寫意

燕雁迢迢隔上林高秋望斷正長吟人間路有潼  
江險天外山惟玉壘深日向花間留返照雲從城

上結層陰三年已制思鄉淚更入新年恐不禁

隨師東

東征日調萬黃金幾竭中原買鬪心軍令未聞誅

馬謖提書唯是報孫歆

平吳之後上言得歆吳平孫尚在

但須鸞

鷲巢阿閣豈暇鳴鴉在泮林可惜前朝玄菟郡積  
骸成莽陣雲深

宋玉

何事荆臺百萬家唯教宋玉擅才華楚辭已不饒  
唐勒風賦何曾讓景差落日渚宮供觀閣開年雲



夢送烟花可憐庾信尋荒徑猶得三朝託後車

韓同年新居餞韓西迎家室戲贈

籍籍征西萬戶侯新綠貴壻起朱樓一名我輩居  
先甲千騎軍翻在上頭雲路招邀迴彩鳳天河迢  
遞笑牽牛南朝禁衛無人近瘦盡瓊枝詠四愁

奉和太原公送前楊秀才戴兼招楊正字戎

潼關地接古弘農萬里高飛雁與鴻桂樹一枝當  
白日芸香三代繼清風仙舟尚惜垂雙美綵服何  
由得盡同誰憚上龍多笑疾美髭終類晉司空

贈趙協律替

俱識孫公與謝公二年歌哭處皆同已叨鄒馬聲

華末更共劉盧族望通

愚與趙俱出今吏部相公門下又同為故尚書安平

公所知後皆是安平公表姪

南省恩深賓館在東山事往妓樓

空不堪歲暮相逢地我欲西征君又東

正月崇讓宅

密鎖重關掩綠苔廊深閣迴此徘徊先知風起月  
含暈尚自露寒花未開編拂簾旌終展轉鼠翻窻  
網小驚猜背燈獨共餘香語不覺猶歌夜起來



曲江

望斷平時翠輦過空聞子夜鬼悲歌金輿不返傾  
城色玉殿猶分下苑波死憶華亭聞唳鶴老憂王  
室泣銅駝天荒地變心雖折若比陽春意未多

柳

江南江北雪初消漠漠輕黃惹嫩條灞岸已攀行  
客手楚宮先騁舞姬腰清明帶雨臨官道晚日含  
風拂野橋如線如絲正牽恨王孫歸路一何遙

九日

曾共山翁把酒時霜天白菊遠堦墀十年泉下無  
消息九日樽前有所思不學漢臣栽首嘗空教楚  
客詠江籬即君官貴施行馬東閣無因再得窺

贈司勳杜十三員外

杜牧司勳字牧之清秋一首杜陵詩前身應是梁  
江總名總還曾字總持心鐵已從于鑊利鬢絲休  
嘆雲霜垂漢江遠吊西江水羊祜韋丹畫有碑時杜

奉詔撰  
常碑

天平公座中呈令狐令公時蔡京在坐京曾



李集 卷十一  
為僧徒故有第五句

罷執霓旌上醮壇  
慢粧嬌樹水晶盤  
更深欲訴蛾眉歛  
衣薄臨醒玉艷寒  
白足禪僧思敗道  
青袍御史擬休官  
雖然同是將軍客  
不敢公然子細看

題道靖院院在中條山故王顏中丞所置

州刺史捨官居此今寫真存焉

紫府丹成他鶴群  
青松手植變龍文  
壺中別有仙家日  
嶺上猶多隱士雲  
獨坐遺芳成故事  
寒帷舊貌似元君  
自憐築室靈山下  
徒望朝嵐與夕曛

題小栢

憐君孤秀植庭中  
細葉輕陰滿座風  
桃李盛時雖寂寞  
雲霜多後始青葱  
一年幾變一作度枯榮事  
百尺方資柱石功  
為謝西園車馬客  
定悲搖落盡成空

行次昭應縣道上送吏部李郎中充昭義攻討

將軍大旆掃狂童  
詔選名賢贊武功  
暫逐虎牙臨故絳  
遠含鷄舌過新豐  
魚遊沸鼎知無日  
鳥覆危



巢豈待風早勒勳庸燕石上佇光綸綉漢庭中

水齋

多病欣依有道邦南塘晏起想秋江捲簾飛燕還  
拂水開戶暗虫猶打窻更閱前頭已披卷仍斟昨  
夜未開缸誰人為報故交道莫惜鯉魚時一雙

奉同諸公題河中任中丞新剏河亭四韻之

作

萬里誰能訪十洲新亭雲構壓中流河蛟縱翫難  
為室海蜃遙驚耻化樓左右名山窮遠目東西大

道鎖輕舟獨留巧思傳千古長與蒲津作勝遊

過故府中武威公文城舊莊感事

信陵亭館接郊畿幽象遙通晉水祠日落高門喧  
鸞雀風飄大樹撼熊羆新蒲似筆思投日芳草如  
茵憶吐時山下祗今黃絹字淚痕猶墮六州兒

贈田叟

荷蓀衰翁似有情相逢攜手遶村行燒畬曉映遠  
山色伐樹暝傳深谷聲鷗鳥忘機翻浹洽交親得  
路昧平生撫躬道直誠感激在野無賢心自驚



贈別前蔚州契苾使君

使君遠查國初功臣也

何年部落到陰陵奕世勤王國史稱夜掩牙旗千  
帳雲朝飛羽騎一河水蕃兒襁負來青塚狄女壺  
漿出白登日晚鷓鴣泉畔獵路人遙識郅都鷹  
和人題真娘墓  
真娘吳中樂妓墓在虎丘山下寺中  
虎丘山下劍池邊長遣游人嘆逝川  
冑樹斷絲悲舞席出雲清楚想歌筵  
柳眉空吐效嘔葉榆莢還須買笑錢  
一自香奩招不得祇應江上獨嬋娟

人日即事

文王喻復今朝是子晉吹笙此日同舜格有苗旬  
太遠周稱流火月難窮鏤金作勝傳荆俗翦綵為  
人起晉風獨想道衡詩思苦離家恨得二年中

春日寄懷

世間榮落重逡巡我獨丘園坐四春縱使有花兼  
有月可堪無酒又無人青袍似草年年定白髮如  
絲日日新欲逐風波千萬里未知何路到龍津

和劉評事永樂閒居見寄

白社幽閒君暫居青雲器業我全疎看封諫草歸



鸞掖尚賁衡門待鶴書蓮聳碧峯關路近荷翻翠  
扇水堂虛自探典籍忘名利歌枕時驚落蠹魚

和馬郎中移白菊見示

陶詩只採黃金實郢曲新傳白雪英素色不同籬  
下發繁花疑自月中生浮杯小摘開雲母帶露全  
移綴水精偏稱含香五字客從茲得地始芳榮

喜聞太原同院崔侍御臺拜兼寄在臺三二

同年之作

鵬魚何事遇屯同雲水昇沉一會中劉放未歸雞

樹老鄒陽新去兔園空寂寥我對先生柳赫奕君  
乘御史驄若向南臺見鷺友為傳垂翅度春風

無題

萬里風波一葉舟憶歸初罷更夷猶碧江地沒元  
相引黃鶴沙邊亦少留益德冤冤終報主阿童高  
義鎮橫秋人生豈得長無謂懷古思鄉共白頭

回中牡丹為雨所敗二首

下苑他年未可追西州今日忽相期水亭暮雨寒  
猶在羅薦春香暖不知舞蝶殷勤收落蕊有人惆



悵卧遥帷章臺街裡芳菲佯且問宮腰損幾枝  
浪笑榴花不及春先期零落更愁人玉盤迸淚傷  
心數錦瑟驚絃破夢頻萬里重陰非舊圃一年生  
意屬流塵前溪舞罷君迴顧併覺今朝粉態新

五言絕句

悼傷後赴東蜀辟至散關遇雪

劍外從軍遠無家與寄衣散關三尺雪迴夢舊鴛鴦

機

樂遊

品彙作登遊原

昏  
向晚意不遑驅車登古原夕陽無限好只是近黃昏

巴江柳

巴江可惜柳柳色綠侵江好向金鑾殿移陰入綺

窓

聽鼓

城頭疊鼓聲城下暮江晴欲問漁陽慘時無禰正

平

憶梅



定定住天涯依依向物華寒梅最堪恨長作去年花

柳下暗記

無奈巴南柳千條傍吹臺更將黃映白擬作杏花

媒

妓席  
樂府聞桃葉人前道得無勸君書小字慎莫喚官

奴

風

捺釵盤孔雀惱帶拂駕鴛鴦羅薦誰教近齋時

房

張惡子廟

下馬捧椒漿迎神白玉堂如何鐵如意獨自與姚

裏

百果朝櫻桃

珠寶雖先熟瓊葦縱早開流鶯猶故在爭得請含

來

櫻桃荅



李集 卷十一 一  
衆果莫相誚天生名品高何因古樂府唯有鄭櫻

桃

鞞

嘗聞宓妃襪渡水欲生塵好借嫦娥看清秋踏月

輪

追代盧家人嘲堂內

道却橫波字人前莫謾羞只應同楚水長短入淮

流

天涯

春日在天涯天涯日又斜鶯啼如有淚為濕最高

花

早起

風露澹清晨簾間獨起人鶯花啼又笑畢竟是誰

親

細雨

帷飄白玉堂簾卷碧牙牀楚女當時意蕭々髮彩

涼

歌舞



過雲歌響清迴雲舞腰輕只要君流盼君傾國自  
傾

房君珊瑚散

不見嫦娥影清秋守月輪月中閒杵臼桂子搗成  
塵

嘲櫻桃

朱實烏含盡青樓人未歸南園無限樹獨自葉如

幃

自賦

陶令棄官後仰眠書屋中誰將五斗米擬換北窓  
風

蝶

孤蝶小徘徊翩翩蝶翅開併應傷皎潔頻近雪中  
來

夜意

簾垂幕半捲枕冷被仍香如何為相憶魂夢過瀟  
湘

李夫人三首



一帶不結心兩股方安髻慙愧白茅人月六教星  
潛  
刺結茱萸枝多擘秋蓮的獨自有波光綵囊盛不  
得

蠻絲繫條脫妍眼和香屑壽宮不惜鑄南人柔腸  
早被秋眸割清澄有餘幽素香鰥魚渴鳳真珠房  
不知瘦骨類冰井更許夜簾通曉霜土花漠漠雲  
忙忙黃河欲盡天蒼蒼

滯雨

滯雨長安夜殘燈獨客愁故鄉雲水地歸夢不宜  
秋

微雨

初隨林靄動稍共夜涼分窓迥侵燈冷庭虛近水  
聞

高花

花將人共笑籬外露繁枝宋玉臨江宅墻低不礙  
窺

嘲桃



無賴妖桃面平明露井東春風為開了却擬笑春風

餞席重送從叔余之梓州

莫歎萬重山君還我未還武關猶悵望何況百牢

關

柳枝五首 有序

柳枝洛中里娘也父饒好賈風波死湖上其母不念他兒子獨命柳枝生十七年塗粧縮髻未嘗竟已復起去吹葉嚼蕊調絲擲管作天海風

濤之曲幽憶怨斷之音居其旁與其家揖故往來者聞十年尚相與疑其醉眠夢物斷不婢余從昆讓山比柳枝居為近他日春曾陰讓山下馬柳枝南柳下詠余燕臺詩柳枝驚問誰人有此誰人為是讓山謂曰此吾里中少年叔耳柳中手斷長帶結讓山為贈叔乞詩明日余比馬出其巷柳枝了鬟畢粧抱立扇下風郭一袖指曰若叔是句後三日鄰當去濺裙水上以博山香待與郎俱過余諾之會所友有偕當詣京師



者戲盜余卧裝以先不果留雪中讓山至且曰  
東諸侯取去矣明年讓山復東於戲上因寓詩  
以墨其故處云

花房與蜜脾蜂雄蛺蝶雌同時不同類那復更相  
思

本是丁香樹春條結始生玉作彈碁局中心亦不  
平

嘉瓜引蔓長碧玉冰去聲寒漿東陵雖五色不忍值  
牙香

柳枝井上蟠蓮葉浦中乾錦鱗與繡羽水陸有傷

殘  
畫屏繡步障物物自成雙如何湖上望只是見鴛

鴛  
七言絕句

霜月  
初聞征雁已無蟬百尺樓南水接天青女素娥俱

耐冷月中霜裏鬪嬋娟  
人欲



李集  
人欲天從竟不疑莫言圓蓋便無私秦中已久烏  
頭白却是君王未備知

華山題王母祠

連華峯下鑠雕梁此去瑤池地共長好為麻姑到  
東海勸栽黃竹莫栽桑

華清官

華清恩幸古無倫猶恐娥眉不勝人未免被他  
女笑只教天子暫蒙塵

北齊二首

一笑相傾國便亡何勞荆棘始堪傷小蓮玉體橫  
陳夜已報周師入晉陽

巧笑知堪敵萬機傾城最在着戎衣晉陽已陷休  
迴顧更請君王獵一圍

復京

虜騎胡兵一戰摧萬靈迴首賀軒臺天教李令心  
如日可要昭陵石馬來

渾河中

九廟無塵八馬迴奉天城壘長春苔咸陽原上英



雄骨半向軍家養馬來

咸陽

咸陽宮闕鬱差栽六國樓臺艷綺羅自是當時秦

一作天帝醉不關天一作秦地有山河

同崔八詣藥山訪融禪師

共受征南不次恩報恩唯是有忘言巖花澗草西  
林路未見高僧且見猿

夜雨寄北

君問歸期未有期巴山夜雨漲秋池何當共剪西

牕燭却話巴山夜雨時

石榴

榴枝婀娜榴實繁榴膜輕明榴子鮮可羨瑤池碧  
桃樹碧桃紅頰一千年

初起

想像咸池日欲光五更鐘後更迴腸三年苦霧巴  
江水不為離人照屋梁

柳

柳映江潭底有情望中頻遣客心驚巴雷隱隱千



山外更作章臺走馬聲

宿駱氏亭寄懷崔雍崔衮

竹塢無塵水檻清  
相思迢遞隔重城  
秋陰不散霜  
飛晚留得枯荷聽雨聲

夢澤

夢澤悲風動白茅  
楚王葬盡滿城嬌  
未知歌舞能  
多少虛減宮厨為細腰

贈歌妓二首

水精如意玉連環  
下蔡城危莫破顏  
紅綻櫻桃含

白雲斷腸聲裏唱陽關

白日相思不奈何  
嚴城清夜斷經過  
只知解道春  
來瘦不道春來獨自多

謝書

微意何曾有一毫  
空攜筆硯奉龍謠  
自蒙半夜傳  
衣後不羨王祥得佩刀

寄令狐郎中

嵩雲秦樹久離居  
雙鯉迢迢一紙書  
休問梁園舊  
賓客茂陵秋雨病相如



漫成三首

不妨何范盡詩家未解當年重物華遠把龍山千  
雪將來擬並洛陽花

沈約憐何遜延年毀斷莊清新俱有得名譽底相

傷

霧夕詠芙蓉何即得意初此時誰最賞沈范兩尚

書

無題 一云陽城

白道縈迴入暮霞斑駁嘶斷七香車春風自共何

人笑枉破陽城十萬家

杜司勳

高樓風雨感斯文短翼差池不及群刻意傷春復

傷別人間惟有杜司勳

岳陽樓

欲為平生一散愁洞庭湖上岳陽樓可憐萬里堪

乘興枉是蛟龍解覆舟

寄成都高苗二從事

家近紅蕖曲水濱全家羅襪起秋塵莫將越客千



絲網網得西施別贈人

岳陽樓

漢水方城帶百蠻四鄰誰道亂周班如何一夢高  
唐雨自此無心入武關

屏風

六曲連環接翠帷高樓半夜酒醒時掩燈遮霧密  
如此雨落月明俱不知

春日

欲入盧家白玉堂新春催破舞衣裳蝶銜花藥蜂

銜粉共助青樓一日忙

漢宮詞

青雀西飛竟未迴君王長在集靈臺侍臣最有相  
如渴不賜金莖露一杯

贈白道者

十二樓前再拜辭靈風正滿碧桃枝壺中若是有  
天地又向壺中傷別離

隋宮

一云隋堤

乘輿南遊不戒嚴九重誰削諫書函春風舉國裁



宮錦半作障泥半作帆

代應二首

溝水分流西復東  
九秋霜月五更風  
離鸞別鳳今何在  
十二玉樓空更空

昨夜霜鈎敗今朝  
百草輪關西狂小吏  
唯喝遶床

盧

席上作

一云予為桂州從事故府鄭公出家妓令賦高唐詩

淡雲輕雨拂高唐  
玉殿秋來夜正長  
料得也應憐

宋玉一生唯事楚襄王

訪隱者不遇成二絕

秋水悠悠浸野扉  
夢中來數覺來稀  
玄蟬去盡黃葉落  
一樹冬青人未歸

城郭休過識者稀  
哀猿啼處有柴扉  
滄江白石樵漁路  
日暮歸來雨滿衣

破鏡

玉匣清光不復持  
菱花散亂月輪虧  
秦臺一照山雞後  
便是孤鸞罷舞時

無題



紫府仙人號寶燈雲漿未飲結成冰如何雪月交  
光夜更在瑤臺十二層

贈庾十二朱版時庾在翰林  
朱書版上

固漆投膠不可開贈君珍重抵瓊瑰君王曉坐金  
鑾殿只待相如草詔來

柳

曾逐東風拂舞筵樂遊春苑斷腸天如何肯到清  
秋日已帶斜陽又帶蟬

三月十日流盃亭

身屬中軍少得歸木蘭花盡失春期偷隨柳絮到  
城外行過水西聞子規

過招國李家南園二首

潘岳無妻客為愁新人來坐舊粧樓春風猶自疑  
聯句雪絮相和飛不休

長亭歲盡雪如波此去秦關路幾多唯有夢中相  
近分卧來無睡欲如何

為有

為有雲屏無限嬌鳳城寒盡怕春宵無端嫁得金



龜婿辜負香衾事早朝

公子

外戚封侯自有恩  
平明通籍九華門  
金唐公主手  
華小二十君王未許婚

賦得雞

稻梁猶足活諸雛  
妬敵專場好自娛  
可要五更鷲  
穩夢不辭風雪為陽鳥

明神

明神司過豈令冤  
暗室由來有禍門  
莫為無人欺

一物他時須慮石能言

壬申閏秋題贈烏鵲

繞樹無依月正高  
鄴城新淚澱雲袍  
幾年始得逢  
秋閨兩度填河莫告勞

端居

遠書歸夢兩悠悠  
只有空床敵素秋  
塔下青苔與  
紅樹雨中寥落月中愁

夜半

三更三點萬家眠  
露欲為霜月墮烟  
鬪鼠上床編



蝠出玉琴時動倚窓絃

飲席代官妓贈兩從事

新人橋上着春衫舊主江邊側帽簷

隋獨孤信舉止風流曾風

吹帽簷側觀者塞路

願得化為紅綬帶許教雙鳳一時銜

代魏宮私贈

黃初三年已隔存歿追代其意何必同時亦廣子夜鬼歌之流

來時西館阻佳期去後漳河隔夢思知有宓妃無

限意春松秋菊可同時

代元城吳令暗為荅

背闕歸藩路欲分水邊風日半西曛荆王枕上元

無夢莫枉陽臺一片雲

詠史

壯湖南埭水漫漫一片降旗百尺竿三百年間同

曉夢鍾山何處有龍盤

日射

日射紗窓風撼扉香羅掩手春事遠迴廊四合掩

寂寞碧鸚鵡對紅薔薇

題鴛

眠沙卧水自成羣曲岸殘陽極浦雲那解一作將



心怜孔翠羈雌長共故雄分

華清宮

朝元閣迫羽衣新首按昭陽第一人當日不來高  
處舞可能天下有胡塵

梓潼望長卿山至巴西復懷譙秀

梓潼不見馬相如更欲南行問酒壚行到巴西覓  
譙秀巴西唯是有寒蕪

齊宮詞

永壽兵來夜不扃金蓮無復印中庭梁臺歌管三

更罷猶自風搖九子鈴

青陵臺

青陵臺畔日光斜萬古真魂倚暮霞莫許韓憑為  
蛺蝶等閒飛上別枝花

東還

自有仙才自不知十年長夢採華芝秋風動地黃  
雲暮歸去嵩陽尋舊師

蜀桐

玉壘高桐拂玉繩上含非霧下含冰枉教紫鳳無



樓處斲作秋琴彈壞一作陵

漢宮

通靈夜醮達清晨承露盤晞甲帳春王母西歸方  
朔去更須重見李夫人

江東

驚魚撥刺鷺翩翩獨自江東上釣船今日春光太  
漂蕩謝家輕絮沈郎錢

讀任彦昇碑

任昉當年有美名可憐才調最縱橫梁臺初應

惆悵不得蕭公作騎兵

五松驛

獨下長亭念過秦五松不見見興新只應既斬斯  
高後尋被樵人用斧斤

灞岸

山東今歲點行頻幾處冤冤哭虜塵灞水橋邊倚  
華表平時二月有東巡

送臻師二首

昔去靈山非拂席今來滄海欲求珠楞伽頂上清



涼地善眼仙人憶我無

苦海迷途去未因東方過此幾微塵何當百憶蓮

花上一一蓮花見佛身

七夕

鸞扇斜分鳳幄開星橋橫過鵲飛迴爭將世上無

期別換得年年一度來

望喜驛別嘉陵江水二絕

嘉陵江水此東流望喜樓中憶閬州若到閬州還

赴海閬州應更有高樓

千里嘉陵江水色含烟帶月碧於藍今朝相送東

流後由自驅車更向南一作猶

贈宇文中丞

欲構中天正急材自緣烟水戀平臺人間只有稽

延祖最望山公啓事來公盛歎七友張君故有此句

閨情

紅露花房白蜜脾黃蜂紫蝶兩參差春窓一覺風

流夢却是同袍不得知

月夕



草下陰虫葉上霜朱欄迢遞壓湖光  
免寒清冷松花白此夜姮娥應斷腸

代應

本來銀漢是紅墻隔得盧家白玉堂  
誰與王昌報消息盡知三十六鴛鴦

離亭賦得折楊柳二首

暫憑樽酒送無憀莫損愁眉與細腰  
人世死前誰有別春風爭擬惜長條

含烟惹霧每依依萬緒千條拂落暉  
為報行人休

盡折半留相送半迎歸

寄永道士

共上雲山獨下遲陽臺白道細如絲  
君今併倚三珠樹不記人間葉落時

華州周大夫宴席

西鈴

郡齋何用酒如泉飲德先時已醉眠  
若共門人推禮分戴崇爭得及彭宣

荆山

壓河運華勢孱顏鳥沒雲歸一望間  
揚僕移關三



李集 卷十一 頁八  
百里可能全是為荆山

次陝州先寄源從事

離思羈愁日欲晡東周西雍此分塗迴鑿佛寺高  
多少望盡黃河一曲無

過鄭廣文舊居

宋玉平生恨有餘遠循三楚弔三閭可憐留着臨  
江宅異代應教庾信居

東下三句苦於風土馬上戲作

路遠函關東復東身騎征馬逐驚蓬天地遼濶誰

相待日日虛乘九萬風

莫愁

雪中梅下與誰期梅雪相兼一萬枝若是石城無  
艇子莫愁還自有愁時

夢令狐學士

山驛荒涼白竹扉殘燈向曉夢清暉右銀臺路雪  
三尺鳳詔裁成當直歸

涉洛川

通谷陽林不見人我來遺恨古時春宓妃漫結無



窮恨不為君王殺灌均

灌均陳王之典籤  
諸王於文帝者

有感

中路因循我所長古來才命兩相妨  
勸君莫強安蛇足一盞芳醪不得嘗

宮妓

珠箔輕明拂玉墀披香新殿鬪腰肢  
不須看盡魚龍戲終遣君王怒偃師

宮辭

君恩如水向東流得寵憂移失寵愁  
莫向樽前奏

花落涼風只在殿西頭

代贈二首

樓上黃昏欲望休玉梯橫絕月中鉤  
芭蕉不展丁香結同向春風各自愁

東南日出照高樓樓上離人唱石州  
總把春山掃眉黛不知共得幾多愁

楚吟

山上離宮宮上樓樓前宮畔暮江流  
楚天長短黃昏雨宋玉無愁亦有愁



瑶池

瑶池阿母綺窓開黃竹歌聲動地哀八駿日行三  
萬里穆王何事不重來

柳

為有橋邊拂面香何曾自敢占流光後庭玉樹承  
恩澤不信年華有斷腸

寄在朝鄭曹獨狐李四同年

昔歲陪遊舊跡多風光今日兩蹉跎不因醉本蘭  
亭在兼忘當年舊永和

南朝

地險悠悠天險長金陵王氣應瑤光休誇此地分  
天下只得徐妃半面粧

題漢祖廟

乘運應須宅八荒男兒安在戀池隍君王自起新  
豐後項羽何曾在故鄉

韓冬郎即席為詩相送一座盡驚他日余方  
追吟連宵侍坐徘徊久之句有老成之風  
因成二絕寄酬兼呈畏之員外



十歲裁詩走馬成，冷灰殘燭動離情。  
桐花萬里丹山路，雛鳳清於老鳳聲。

劍棧風檣各苦辛，別時水雪到時春。  
為憑何遜休

聯句瘦盡東陽姓，沈人

沈東陽約嘗謂何遜曰吾每讀卿詩一月三復終未能余雖無東陽之才而有東陽之瘦矣

評事翁寄賜餽粥走筆為荅

粥香餽白杏花天，省對流鶯坐綺筵。  
今日寄來春已老，鳳樓迢遞憶鞦韆。

東阿王

國事分明屬灌均，西陵鬼斷斷來人。  
君王不得為天子，半為當時賊洛神。

過景陵

武皇精魄久僊昇，帳殿淒涼烟霧凝。  
俱是蒼生留不得，鼎湖何異魏西陵。

板橋曉別

迴望高城落曉河，長亭窓戶壓微波。  
水仙欲上鯉魚去，一夜芙蓉紅淚多。

關門柳



水定河邊一行柳依依長發故年春東來西去人  
情薄不為清陰減路塵

彭城公薨後贈杜二十七勝李十七藩二君  
並與愚同出故尚書安平公門下

梁山兗水約從公兩地差池一旦空謝墅庾村相  
弔後自今岐路更西東

夕陽樓

在滎陽是所如今遂寧  
蕭侍郎收滎陽日作者

花明柳暗繞天愁上畫重城更上樓欲問孤鴻向  
何處不知身世自悠悠

鴛鴦

雌去雄飛萬里天雲羅滿眼泪潜然不須長結風  
波願鎖向金籠始兩全

妓席暗記送同年獨孤雲之武昌

壘嶂千重叫恨猿長江萬里洗離魂武昌若有山  
頭石為拂蒼苔檢淚痕

武夷山

只得流霞酒一杯空中簫鼓當時迴武夷洞裏生  
毛竹老盡曾孫更不來



一片

一片瓊英價動天連城十二昔虛傳良工巧費真  
為累楮葉成來不值錢

寄成都高苗二從事

時二公從事商隱座主府

紅蓮幕下紫黎新命斷湘南病渴人今日問君能  
寄否二江風水接天津

西南行却寄相送者

百里陰雲覆雪泥行人只在雲雲西明朝驚破還  
鄉夢定是陳倉碧野雞

四皓廟

羽翼殊勲棄若遺皇天有運我無時廟前便接山  
門路不長青松長紫芝

相思

相思樹上合歡枝紫鳳青鸞並羽儀腸斷秦臺吹  
管客日西春盡到來遲

送鄭大台文南覲

黎辟灘聲五月寒南風無處附平安君懷一疋胡  
威綃爭拭酬恩淚得乾



舊頌

東人望幸久咨嗟四海于今是一家猶鎖平時舊  
行殿盡無宮戶有宮鴉

代董秀才却扇

莫將畫扇出帷來遮掩春山滯上才若道團圓是  
明月此中須放桂花開

有感

非關宋玉有微辭却是襄王夢覺遲一自高唐賦  
成後楚天雲雨盡堪疑

驪山有感

驪岫飛泉泛暖香九龍呵護玉蓮房平明每幸長  
生殿不從金輿唯壽王

別智玄法師

雲鬢無端怨別離十年移易住山期東西南北皆  
垂淚却是楊朱真本師

贈孫綺新及第

長樂遙聽上苑鍾綵衣稱慶桂香濃陸機始擬誇  
文賦不覺雲間有士龍



代秘書贈弘文館諸校書

清切曹司近玉除  
比來秋興復何如  
崇文館裏丹  
霜後無限紅梨憶校書

亂石

虎踞龍蹲縱復橫  
星光漸減雨痕生  
不須併礙東  
西路哭殺厨頭阮步兵

日日春光

日日春光鬪日光  
山城斜路杏花香  
幾時心緒渾  
無事得及遊絲百尺長

過楚宮

巫峽迢迢舊楚宮  
至今雲雨暗丹楓  
微生畫戀人  
間樂只有襄王憶夢中

龍池

龍池賜酒敞雲屏  
羯鼓聲高衆樂停  
夜半宴歸宮  
漏永薛王沉醉壽王醒

即日

小鼎煎茶面曲池  
白鬚道士竹間碁  
何人書破蒲  
葵扇記着南塘移樹時



吳宮

龍檻沉沉水殿清  
禁門深掩斷人聲  
吳王宴罷滿宮醉  
日暮水漂花出城

常娥

雲母屏風燭影深  
長河漸落曉星沉  
常娥應悔偷靈藥  
碧海青天夜夜心

殘花

殘花流落莫留春  
尖髮誰非怨別人  
若但掩關勞獨夢  
寶釵何日不生塵

天津西堂

虜馬崩騰忽一狂  
翠華無不到東方  
天津西望腸真斷  
滿眼秋波出苑牆

西亭

此夜西亭月正圓  
踈簾相伴宿風烟  
梧桐相莫更翻清露  
孤鶴從來不得眠

憶住一師

無事經年別遠公  
帝城鐘曉憶西峰  
烟爐消盡寒燈晦  
童子開門雪滿松



昨夜

不辭鷓鴣妬年芳但惜流塵暗燭房昨夜西池涼  
露滿桂花吹斷月中香

海客

海客乘槎上紫氛星娥罷織一相聞只應不憚牽  
牛妬聊用支機石贈君

初食笋呈座中

嫩穉香苞初出林於陵論價重如金皇都陸海應  
無數忍剪凌雲一寸心

寄蜀客

君到臨邛問酒壚近來還有長卿無金徽却是無  
情物不許文君憶故夫

海上

石橋東望海連天徐福空來不得仙直道麻姑與  
搔背可能留命待桑田

白雲夫舊居

平生悞識白雲夫再到仙簷憶酒壚墻外萬株人  
絕迹夕陽唯照欲栖鳥



同學彭道士參寥

莫羨僊家有上真仙家暫謫亦千春月中桂樹高  
多少試問西河斫樹人

到秋

扇風淅瀝簟流瀉萬里南雲滯所思守到清秋還  
寂寞葉丹苔碧閉門時

華師

孤鶴不睡雲無心衲衣筇杖來西林院門畫鎖迴  
廊靜秋日當階柿葉陰

華嶽下題西王母廟

神仙有分豈關情八馬虛追落日行莫恨名姬中  
夜沒君王猶自不長生

過華清內廡門

華清別館閉黃昏碧草悠悠內廡門自是明時不  
巡幸至今青海有龍孫

樂遊原

萬樹鳴蟬隔斷虹樂遊原上有西風羲和自是虞  
泉宿不放斜陽更向東



丹丘

青女丁寧結夜霜義和辛苦送朝陽丹丘萬里無  
消息幾對梧桐憶鳳皇

鳳

萬里峰巒歸路迷未判容彩借山雞新春定有將  
雛樂阿閣華池兩處棲

病中早訪招國李十將軍遇挈家遊曲江  
十頃平波溢岸清病來唯夢此中行相如未是真  
消渴猶放施江過錦城

櫻桃花下

流鶯舞蝶兩相欺不取花芳正結時他日未開今  
日謝嘉辰長短是參差

故驛迎吊故桂府常侍有感

飢鳥翻樹晚雞啼泣過秋原沒馬泥二紀征南恩  
與舊此時丹旆玉山西

槿花

風露淒淒秋景繁可憐榮落在朝昏未央宮裏三  
千女但保紅顏莫保恩



暮秋獨游曲江

荷葉生時春恨生荷葉枯時秋恨成深知身在情  
長在悵望江頭江水聲

任弘農尉獻州刺史乞假歸京

黃昏封印點刑徒愧負荆山八座隅却羨卞和雙  
剛足一生無復沒階趨

贈勾芒神

佳期不定春期賒春物天闕興咨嗟願得勾芒索  
青女不教容易損年華

月夜重寄宋華陽姊妹

偷桃竊藥事難兼十二城中鎖彩蟾應共三英同  
夜賞玉樓仍是水精簾

訪人不遇留別館

卿卿不惜瑣牕春去作長楸走馬身閒倚繡簾吹  
柳絮日高深院斷無人

雨中長樂水館送趙十五滂不及

碧雲東去雨雲西苑路高高驛路低秋水綠蕪終  
盡分夫君太騁錦障泥



池邊

玉管葭灰細細吹流鶯上下驚參差日西千遠池  
邊樹憶把枯條撼雪時

賈生

宣室求賢訪逐臣賈生才調更無倫可憐夜半虛  
前席不問蒼生問鬼神

送王十三校書分司

多少分曹掌秘文洛陽花雪夢隨君定知何遜緣  
柳句每到城東憶范雲

寄惱韓同年時韓住蕭洞二首

簾外辛夷定已開開時不放艷陽迴年華若到經  
風雨便是胡僧話劫灰  
龍山晴雪鳳樓霞洞裏迷人有幾家我為傷春心  
自醉不勞君勸石榴花

謁山

從來繫日乏長繩水去雲迴恨不勝欲竟麻姑買  
滄海一杯春露冷如水

釣天



上帝鈞天會衆靈昔人因夢到青冥伶倫吹裂孤  
生竹却為知音不得聽

失猿

祝融南去萬重雲清嘯無因更一聞莫遣碧江通  
箭道不教腸斷憶同羣

戲題友人壁

花逕逶迤柳巷深小闌亭午轉春禽相如解作長  
門賦却用文君取酒金

假日

素琴絃斷酒鉸空倚坐欹眠日已中誰向劉伶天  
幕內更當陶令北窓風

寄遠

姮娥搗藥無時已玉女投壺未肯休何日桑田俱  
變了不教伊水更東流

王昭君

毛延壽畫欲通神恐為黃金不為人馬上琵琶行  
萬里漢宮長有隔生春

舊將軍



雲臺高議正紛紛誰定當時蕩寇勲日暮灞陵原  
上獵李將軍是舊將軍

曼倩辭

十八年來墮世間瑤池歸夢碧桃閒如何漢殿穿  
針夜又向窻中覩阿環

李衛公

絳紗弟子音塵絕鸞鏡佳人舊會稀今日致身歌  
舞地木繇花暖鷓鴣飛

韋蟾

謝家離別正淒涼少傅臨岐賭佩囊却憶短亭迴  
首處夜來烟雨滿池塘

縣中惱飲席

晚醉題詩贈物華罷吟還醉忘歸家若無江氏五  
色筆爭奈河陽一縣花

漫成五章

沈宋裁辭矜變律王楊落筆得良朋當時自謂宗  
師妙今日唯觀對屬能

李杜操持事畧齊三才萬象共端倪集仙殿與金



鑿殿可是蒼蠅感曙雞

生兒古有孫征虜嫁女全無王右軍借問琴書終

一世何如旗蓋仰三分

代北偏師銜使節關東裨將建行臺不妨常日饒

輕薄且喜臨戎用草萊

郭令素心非贖武韓公本意在和戎兩都耆舊偏

垂淚臨老中原見朔風

戲題贈稷山驛吏王全

全為驛吏五十六年人稱有道術往來多

贈詩

章

絳臺驛吏老風塵耽酒成僊幾十春過客不勞詢

甲子惟書亥字與時人

花下醉

芬芳不覺醉流霞倚樹沉眠日已斜客散酒醒夜

深後更持紅燭賞殘花

所居永樂縣久旱縣宰祈禱得雨因賦詩

井膏滴滴是精誠晝夜如絲一勺盈祗恠閭閻喧

鼓吹邑人同報東長生

正月十五夜聞京有燈恨不得觀



月色燈光滿帝都香車寶輦隘通衢身閒不覩中  
興盛羞逐鄉人賽紫姑

偶題二首

小亭閒眠微醉消小榴海栢枝相交水文簾上曉  
珀枕傍有墮釵雙翠翹

清月依微香露輕曲房小院多逢迎春叢定是饒  
栖夜飲罷莫持紅燭行

月

過水穿樓觸處明藏人帶樹遠含清初生欲缺虛

惆悵未必圓時即有情

夜冷

樹遶池寬月影多村砧塢笛隔風蘿西亭翠被餘  
香薄一夜將愁向敗荷

城外

露寒風定不無情臨水當山有隔城未必明時勝  
蟾蛤一生長共月虧盈

南山趙行軍新詩盛稱遊讌之洽因寄一絕  
蓮幕遙臨黑水津秦韃無事但尋春梁王司馬非



孫武且免宮人斬美人

景陽井

景陽宮井剝堪悲不盡龍鸞誓死期腸斷吳王宮  
外水濁泥猶得葬西施

四皓廟

本為留侯慕赤松漢庭方識紫芝翁蕭何只解導  
韓信豈得虛當第一功

送阿龜歸華

草堂歸意背烟蘿黃綬垂腰不奈何因汝華陽求

藥物碧松根下茯苓多

席上贈人

故桂府榮陽公  
席上出家妓

淡烟微雨恣高唐一曲清聲遠畫梁料料也應憐  
宋玉只應無奈楚襄王

東南

東南一望日中烏欲逐羲和去得無且向秦樓棠  
樹下每朝先覓照羅敷

江上憶嚴五廣休

征南幕下帶長刀夢筆深藏五色豪逢看澄江不




才子集

敢詠鎮西留與謝功曹

定子

檀槽一絃廣陵春  
定子初開睡臉新  
却笑喫麝隋  
煬帝破家亡國為何人



畫梨



